



Broj: 06-11-225-16/2022  
Sarajevo, 28.09.2022. godine

Na osnovu člana 70. stav (4), a u vezi sa članom 45. Zakona o javnim nabavkama („Službeni glasnik BiH“, broj: 39/14, 59/22), te Odluke o pokretanju postupka javne nabavke usluga hotelskog smještaja i stručnog usavršavanja – usluge iz Aneksa II dio B. Zakona o javnim nabavkama broj: 05-11-225/22 od 20.07.2022. godine, direktor Federalne agencije za upravljanje oduzetom imovinom donosi

## **ODLUKU**

o poništenju postupka javne nabavke

### **I**

Poništava se postupak javne nabavke usluga hotelskog smještaja i stručnog usavršavanja – usluge iz Aneksa II dio B. Zakona o javnim nabavkama pokrenut Odlukom broj: 05-11-225/22 od 20.07.2022. godine, jer ni jedan od ponuđača nije kvalifikovan, odnosno odbacuje se ponuda ponuđača Jadran-promet d.o.o. iz razloga neispunjavanja lične sposobnosti iz člana 45. Zakona o javnim nabavkama.

### **II**

Ova odluka stupa na snagu danom donošenja, dostavlja se ponuđaču te se objavljuje na web stranici Agencije.

## **Obrazloženje**

Federalna agencija za upravljanje oduzetom imovinom donijela je Odluke o pokretanju postupka javne nabavke usluga hotelskog smještaja i stručnog usavršavanja – usluge iz Aneksa II dio B. Zakona o javnim nabavkama broj: 05-11-225/22 od 20.07.2022. godine.

U skladu sa članom 7. stav (3) Pravilnika o postupku dodjele ugovora o uslugama iz Aneksa II. dio B zakona o javnim nabavkama ("Službeni glasnik BiH", broj: 66/16), Komisija za javne nabavke je uputila poziv za dostavu ponude za predmetnu nabavku, i to na adrese firme:

1. Hotel Sunce d.o.o. Neum,
2. Jadran-promet d.o.o. – Hotel Marea Neum,
3. Hotel Nova Neum,

te na web stranici Federalne agencije za upravljanje oduzetom imovinom.

Komisija je zaprimila dvije ponude u roku za dostavu ponude.

Ponuda ponuđača Jadran-promet d.o.o. Neum ispunjavala je sve tražene uslove koji su navedeni ponudom, dok ponuda ponuđača Hotel Sunce d.o.o. Neum nije ispunjavala formalne uslove, odnosno ponuda nije potpuna i ne ispunjava zahtjeve iz tenderske dokumentacije iz razloga što je

dostavljena samo cijena po osobi za smještaj, ne i za stručno usavršavanje, dostavljena Izjava o ispunjenosti uslova nije ovjerena kod nadležnog organa, te nije dostavljen dokaz o ispunjavanju uslova sposobnosti ponuđača iz tačke 7. javnog poziva. S obzirom na to da je ponuda ponuđača Jadran promet d.o.o. br. 1608-1 od 16.08.2022. godine ispunjavala uslove definirane pozivom za dostavljanje ponuda, i da je cjenovno prihvatljiva i iznosi 85.470,09 KM bez PDV-a (100.000,00 KM sa PDV-om), dana 31.08.2022. godine donesena je Odluka o prihvatanju ponude broj: 01-11-225-7/22.

Dana 31.08.2022. godine aktom broj 06-11-225-8/22 ponuđač Jadran promet d.o.o. Neum obaviješten je o prihvatanju ponude, te da u skladu sa javnim pozivom dostavi dokaze o ispunjavanju ličnih sposobnosti iz člana 45. ZJN.

Dana 14.09.2022. godine Komisija za javne nabavke zapisnikom broj: 06-11-225-12/22 je konstatovala da je ponuđač dostavio tražene dokaze, te je utvrđeno da ponuđač IMA OBAVEZA i to u iznosu od 94.432,56 KM a koji se odnosi na porez na dobit za 2021. godinu i akontaciju poreza na dobit za 2022. godinu, i to na osnovu uvjerenja Uvjerenje broj: 13-7/3.12-5-1847/22-M.M. od 08.09.2022. godine Porezne uprave Federacije BiH-KPU Mostar – PI Neum. Istovremeno direktoru Agencije je predloženo da se ponuđaču ostavi rok od 3 dana da pojasni uvjerenje broj: 13-7/3.12-5-1847/22-M.M. od 08.09.2022. godine Porezne uprave Federacije BiH, KPU Mostar – PI Neum, odnosno ukoliko ima sklopljen sporazum sa poreznom upravom o reprogramiranom, odnosno odloženom plaćanju obaveza, da isti dostavi Federalnoj agecniji za upravljanje oduzetom imovinom.

Aktom broj: 06-11-225-13/2022 od 16.09.2022.g. upućen je poziv ponuđaču za pojašnjenje predmetne dokumentacije, odnosno dostavljanje sporazuma sa poreznom upravom o reprogramiranom, odnosno odloženom plaćanju obaveza.

Dana 26.09.2022. godine Komisija za javne nabavke zaprimila je od ponuđača Uvjerenje broj: 13-7/3.12-5-1847-1/22 – SK od 20.09.2022. godine u kojem se navodi da Jadran – promet d.o.o. Neum, na dan 20.09.2022. godine, nema obaveza.

Uzimajući u obzir činjenicu da je tenderskom dokumentacijom propisano da izabrani ponuđač mora ispunjavati sve uslove u momentu predaje ponude, odnosno dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže dokumentacijom, a kako je na osnovu dostavljenih dokaza utvrđeno da je ponuđač u momentu predaje ponude imao obaveze po osnovu direktnih poreza, to je Komsija za javne nabavke predložila direktoru Agencije da odbaci ponudu ponuđača Jadran-promet d.o.o. i poništi postupak javne nabavke.

Shodno svemu navedenom, odlučeno je kao u dispozitivu ove Odluke.

**Pouka o pravnom lijeku:** Protiv ove odluke može se uložiti žalba u roku od 10 dana od dana zaprimanja ove odluke.

**Dostaviti:**

1. Imenovani
2. Sektor za pravne, kadrovske, opće i materijalno finansijske poslove,
3. Komisiji za javne nabavke,
4. a/a.

